

**«Қауіпті өндірістік объектілерде өнеркәсіптік қауіпсіздікті қамтамасыз ету: талдау, болжамдар және ұсыныстар» тақырыбына арналған
Үкімет сағатының қорытындылары бойынша
ҰСЫНЫМДАР**

Қазақстан Республикасы
Парламентінің Сенаты

2021 жылғы 12 қараша

Қазақстан Республикасы Парламенті Сенатының депутаттары қауіпті өндірістік объектілердегі өнеркәсіптік қауіпсіздік саласындағы мемлекеттік саясаттың іске асырылу барысы, оның ішінде оның заңнамалық тұрғыдан реттелуі туралы ақпаратты тыңдап, мыналарды ҰСЫНАДЫ:

1. Қазақстан Республикасының Үкіметі:

- қауіпті өндірістік объектілерді пайдаланатын ұйымдарды оларды уақтылы жаңғыртуға және жаңартуға ынталандыру;

- өнеркәсіптік қауіпсіздік саласындағы өндірістік бақылау қызметтерінің жұмысын дамыту және кеңейту, өндірістік қауіпсіздіктің ерікті бағдарламаларын дамыту;

- өнеркәсіптік қауіпсіздік саласындағы уәкілетті органға өндірістік бақылау қызметтерінің лауазымды адамдары санының нормативтерін әзірлеу және бекіту жөніндегі функцияларды беру жөніндегі шараларды ұсына отырып, өнеркәсіптік қауіпсіздік саласындағы мемлекеттік реттеу жүйесін трансформациялау мәселесін қарасын.

2. Төтенше жағдайлар министрлігі Қазақстан Республикасының мүдделі мемлекеттік органдарымен және ұйымдарымен бірлесіп:

1) мыналарға:

- қауіпті өндірістік объектілерді жаңғыртуды тиімді жүзеге асыруға мүмкіндік бермейтін, өнеркәсіптік қауіпсіздікті қамтамасыз етуге тікелей әсер ететін есепке алу мен бақылаудың озық цифрлық жүйелерін ендіру үшін жұмыс істеп тұрған өндірістерді технологиялық жағынан қайта жарақтандыруды ынталандырмайтын нормативтік талаптарды өзектендіруге;

- өнеркәсіптік қауіпсіздіктің нормативтік талаптарын халықаралық стандарттармен үйлестіруге және тәуекелдерді басқару жүйесін реттеу және жақсарту әдістерін жетілдіру, сондай-ақ автоматты қашықтықтан бақылауды ендіру арқылы бақылау-қадағалау қызметінің тиімділігін арттыруға;

- жол берілген бұзушылықтарға және келтірілген зиянның (нұқсанның) ауқымына қарай қауіпті өндірістік объектілер басшыларының (меншік иелерінің) мөлшерлес жауапкершілігін енгізуге;

- өнеркәсіптік қауіпсіздік саласындағы құқық бұзушылықтар үшін әкімшілік айыппұлдардан түскен қаражатты жұмсаудың нысаналы сипатын енгізуге бағытталған шараларды ұсынсын;

2) ұлттық заңнамаға:

- өнеркәсіптік қауіпсіздік саласындағы уәкілетті органға қауіпті өндірістік объектілерді жаңартудың және техникалық жағынан қайта жарақтандырудың жиынтық жоспарын жасау және бекіту жөніндегі функцияларды беру;

- қауіпті өндірістік объектілерді пайдаланатын ұйымдардың қауіпті өндірістік объектілерді техникалық қайта жарақтандырудың жиынтық жоспарын орындау үшін қажетті шараларды қабылдау жөніндегі міндеттерін бекіту;

- өндірістік объектілерді пайдаланатын ұйымдардың ұйымның бірінші басшысына тікелей бағынатын жеке өндірістік бақылау қызметін құру бойынша қауіпті міндеттерін бекіту бөлігінде түзетулерді ұсынсын.

3. Қазақстан Республикасы Төтенше жағдайлар министрлігі:

- Қазақстан Республикасының Ұлттық экономика министрлігімен бірлесіп «Қазақстандықтардың әл-ауқатын арттыруға бағытталған орнықты экономикалық өсу» ұлттық жобасында бекіте отырып, қауіпті өндірістік объектілерде өнеркәсіптік қауіпсіздікті қамтамасыз ету жөніндегі нысаналы міндеттер мен нәтижелер көрсеткіштерін айқындау туралы ұсынысты пысықтасын;

- Бас прокуратурамен және Әділет министрлігімен бірлесе отырып қауіпті өндірістік объектіде денсаулыққа ауыр зиян келтіруге, адам өліміне немесе өзге де ауыр зардаптарға әкеп соққан авария жағдайында өнеркәсіптік қауіпсіздік

талаптарын бұзғаны үшін қауіпті өндірістік объектілердің иелері мен басшыларының қылмыстық жауаптылығын енгізуге, сондай-ақ осы саладағы әкімшілік құқық бұзушылықтарды кеңейтуге және нақтылауға бағытталған түзетулерді қарасын;

- Еңбек және халықты әлеуметтік қорғау министрлігімен бірлесе отырып: өнеркәсіптік қауіпсіздік саласындағы мемлекеттік қадағалау жөніндегі мемлекеттік инспектордың өмірі мен денсаулығын сақтандыруды, сондай-ақ қызметтік міндеттерін атқару кезінде қаза тапқан (қайтыс болған) жағдайда оның отбасы мүшелерін әлеуметтік қамтамасыз етуді;

өнеркәсіптік қауіпсіздік саласындағы кәсіби авариялық-құтқару қызметтерінің құтқарушыларына заңнамада көзделген құқықтық және әлеуметтік кепілдіктерді қолдануды;

болған авария немесе оқыс оқиға салдарынан қауіпті өндірістік объектіні пайдаланатын ұйым қызметкерінің денсаулығына келтірілген зиянды қызметкердің еңбекке қабілеттілігінен айырылу дәрежесіне қарай өтеуді көздейтін заңнамалық түзетулерді ұсынсын.

4. Білім және ғылым министрлігі Қазақстан Республикасының Төтенше жағдайлар министрлігімен бірлесіп:

- өнеркәсіптік қауіпсіздік саласында, оның ішінде көрсетілген салада мемлекеттік қадағалауды жүзеге асыратын мамандарды даярлау мақсатында, қажет болған жағдайда елдің жоғары оқу орындарындағы білім беру стандарттарын қайта қарай отырып, білікті кадрлар даярлаумен;

- ғылыми институттардың ғылыми-техникалық және өндірістік әлеуетін өнеркәсіптік қауіпсіздік саласындағы уәкілетті органның қызметімен шоғырландырумен байланысты шараларды ұсынсын.